

SCRIPT OF EVENING GOJRI NEWS BULLETIN 7 OCT 1700 HRS

ايونينگ گو جری نیو ز بلیٹن مورخہ 7 اکتوبر 2025

یوہ آکا شوانی جموں ہے عیدالرحمان تے نصرت چوہدری تیں خبر سُنو۔

HEADLINES

- ۱۔ وزیر اعظم نریندر مودی نے قوم غی خدمت کرتا واں 25 واں سال مانہ داخل ہوتیں قوم نانہ وکست بھارت غا خواب نانہ سچ کرن وستے سخت محنت نال کام کرن غی تلقین کی ہے۔
- ۲۔ لیفٹیننٹ گورنر منوج سنہا تے وزیر اعلیٰ عمر عبداللہ نے پی ایم کسان غے تحت 8 لکھ 55 ہزار کساناں غی 21 ویں قسط واگزار کرن ور وزیر اعظم نریندر مودی تے مرکزی وزیر شیو راج سنگھ چوہان غو شکریو ادا کیو ہے۔
- ۳۔ وزیر اعلیٰ عمر عبداللہ نے کپیکس تے سی ڈی ایس منصوباں گو جائیزو لیو تے کہیو کہ فنڈ غو صیح استعمال کرتا واں تیزی نال پروجیکٹ مکمل کیو جے۔
- ۴۔ جموں کشمیر مانہ ہالیہ بارشاں تے برف باری نال درجہ حرارت مانہ گراوٹ آئی ہے تے سردیاں غی شروعات ہو گئی ہے۔
- ۵۔ جموں سرینگر قومی شاہراہ پاری بارشاں تے خراب موسم غے پیش نظر پسی تے پتھر آجان نال بند ہو گئی ہے شاہراہ ور گڈیاں غی آمدرفت بحال کرن وستے تیزی نال کم جاری ہے۔

PM 25 YRS

وزیر اعظم نریندر مودی نے بھارت غی گزشتہ 11 براں غی حصولیابیاں غو ذکر کرتا مانہ اس گل ور روشنی پائی ہے کہ مذکورہ مدت مانہ 25 کروڑ افراد نانہ غربت تیں کڈیو گی وے تے کئی اقدامات نال خواتین نوجواناں تے کساناں نانہ باختیار بنایو گیو ہے سماجی میڈیا ور جاری کئی پوسٹاں مانہ جناب مودی نے بھارت نانہ عالمی معشیت مانہ ایک روشن مقام قرار دتو اُنہاں نے کہیو کہ سرکار مانہ رہ غے 25 سال قوم غی خدمت کی ہے تے عوام غا لگاتار بھروسہ تے محبت وستے وی جناب مودی نے شکریو ادا کیو وزیر اعظم نے کہیو کہ قوم غی خدمت میرا وستے سب تیں برو اعزاز ہے تے خود مختار بھارت بنان تے وکست بھارت غا نظر یہ نال ملک نانہ ترقی غی راہ ور لے غے اگے چلنو اُن غا وعداں تے حوصلاں نانہ مزید مضبوطی دے۔

PM KISAN LG

کساناں واسطے بڑی راحت گی خبر جموں کشمیر مانہ بھارتی حکومت نے پردھان منتری کسان سمان ندھی سکیم غی 21 ویں قسط پہلاں ہی جاری کردتی ہے لیفٹیننٹ گورنر منوج سنہا نے وزیر اعظم نریندر مودی تے مرکزی وزیر زراعت شیو راج سنگھ چوہان غی مدد واسطے شکریو ادا کیو۔ ایک سماجی میڈیا پوسٹ مانہ ایل جی موصوف نے دسیو کہ تقریباً 171 کروڑ روپیہ براہ راست 8 لکھ 55 ہزار مستحق کساناں غا بینک کھاتاں مانہ منتقل کیا جیں غا۔ یاہ مالی مدد کساناں نانہ اپنی روزی روٹی برقرار رکھن تے زرعی سرگرمیاں نانہ دوبارہ شروع کرن مانہ مدد دے غی اُنہاں نے مزید کہیو کہ مارا کسان معشیت غی ریڈھ غی بڈی ہیں تے مرکزی حکومت ان غی زندگی مانہ استحکام واسطے ہر ممکن مدد فراہم کرن واسطے پیڑ عزم ہے تے اس بارے وزیر اعلیٰ عمر عبداللہ نے وی مرکزی وزیر زراعت شیو راج سنگھ چوہان غو شکریو ادا کیو۔

VIKSIT BHARAT BUILDATHON

وزارت تعلیم نیتی آیوگ غا اٹل اننو ویشن مشن غا سانجہ تال میل نال وکست بھارت بلڈسٹھان 2025 غو انعقاد کرارہی ہے قومی سطح غو یوہ پلیٹ فارم 6 ویں جماعت تیں 12 ویں جماعت تک غا طالب علماں وستے اپنی تخلیقی صلاحیتاں نانہ پیش کرنگو بھرپور موقعو پیش کرے کپٹن شہبانشو شکلا بھارتیہ خلا باز اس مذکورہ اقدام گا برینڈ ایمبیڈڈر ہیں موصوف نے طالب علماں نانہ اس پروگرام مانہ شرکت کرن غی اپیل کی تے کہیو کہ کوئے وی نکو یا برو خیال وکست

بھارت 2047 غا نظریہ نانہہ شکل دین مانہہ اہم کردار ادا کرے غو تے خود کفیل آتم نربہر بھارت غی تعمیر مانہہ اہم کردار ادا کرے غو اس موقعہ ور بولتاواں کپٹن شکلا نے مزید اس طرح کہیو۔

VIDYAN JALI CSR

وزارت تعلیم نے ودیانجل سی ایس آر اقدام غے تحت جموں کشمیر سمیت ملک غی 13 ریاستاں تے مرکزی زیر انتظام علاقہ مانہہ 120 پروجیکٹاں گو اعلان کی وے جس مانہہ سی ایس آر تعاون غے ذریعے کھیڈ فن کاری تے دیگر اسکولی سامان مہیا کرانو شامل ہے ان پروجیکٹاں گو بُنیادی مقصد طالب علمان گا ہنر نانہہ نکھارنو تے ان غی صحت مند پروورش تیں علاوہ ان غے اندر خود اعتمادی غو جزبو پیدا کرنو ہے کرکٹ چڑی چھکو تے دوجی کھیڈاں نال طالب علمان نانہہ جسمانی طورور صحت مند رکھنو وی اس اقدام غو حصو ہے ان اقدامات نانہہ رضا کار تنظیم غیر سرکاری تنظیمیں تے سی ایس آر غا تعاون نال فروغ دتو جے گو تاکہ پورا ملک غے اندر سکولان مانہہ طالب علمان مانہہ خود اعتمادی تے تخلیقی صلاحیت پیدا ویں یوہ قدم قومی سطح ور اسکولی نظام نانہہ مزید بہتر مضبوط بنان مانہہ اہم کردار ادا کرے غو۔

POSHAN MAAH RAMBAN

زندگی غا ہر مرحلہ ور غزایت تیں متعلق آگاہی نانہہ فروغ دین واسطے ضلع انتظامیہ رام بن جوش و خروش تیں پوشن مہم غے تحت آج پوگل علاقہ مانہہ پوشن آئی سی ڈی ایس رامبن غی جانب تیں قومی پوشن ابھیان غے تحت ایک خصوصی کیمپ گو انعقاد کیو گیو اس کیمپ مانہہ بچان نو عمر بچیاں حاملہ تے دودھ پلان آلی خواتین غی جامع نشو نما تے غزائیت ور توجہ دتی گئی آگن واڈی مرکزاز غے ذریعے افزائش غی نگرانی اضافی غذا طبی خدمات آگاہی مہم تے آنگن واڈی کارکنان کی تربیت جیسی سرگرمی منعقد کی گئی تانجے مستفیدان نانہہ بہتر خدمت فراہم کی جاسکے آکاشوانی غا خبران آلا شعبہ سنگ گل کرتاواں پوگل رامبن تیں پرائمری صحت مرکز غی سوپر وائزر سبابت جیلانی نے اس طرح کہیو۔

CM CAPEX REVIEW

وزیر اعلیٰ عمر عبداللہ نے آج مالی سال 2025-26 واسطے کپیکس تے اسمبلی حلقہ ترقیاتی فنڈ غا اخراجات غو جامع جائزہ اجلاس غی صدارت کی میٹنگ مانہہ مختلف محکماں تے ضلاع غی پیش رفت غو جائیزو لیو گیو وزیر اعلیٰ نے تیز رفتار کم غی تکمیل تے پیساں غو صیح وقت ور استعمال کرن ور زور دتو انہاں نے ہدایت دتی کہ تمام محکمہ اپنا کم بی ای اے ایم ایس پورٹل ور 100 فی صد اپلوڈ کریں تے کشمیر صوبہ مانہہ محدود کم نانہہ مدد نظر رکھتاواں ٹیکہ دینگا عمل مانہہ تیزی لیواں انہاں نے ایم ایل ایز غے نال قریبی تال میل قائم رکھن تے سی ڈی ایف غا کماں نانہہ جلد مکمل کرن غی ہدایت کی تانجے زمینی سطح ور ان غا نتائج جلد نظر آئیں۔

KISHTWAR EXHIBITS

ضلع کشتواڑ واسطے فخر غو لمحو ہے کہ 2 سکولان غا ماڈل قومی سطح غی 52 ویں راشٹریہ سمارگ بال ویگیانک پریدرشنی واسطے منتخب ہوا ہیں یے ماڈل 4 اکتوبر 2025 نانہہ ایس سی ای آر ٹی جموں غی طرفوں ہوا صوبائی سطح غا مقابلہ مانہہ سب تیں بہتر قرار پایا پہلو ماڈل لڑکاں گا گورنمنٹ ہائر سکینڈری سکول کشتواڑ گو ہے جس غو موضوع ٹرانسپورٹ اینڈ کامنیکیشن تھو دوجو ماڈل گورنمنٹ ہائر سکینڈری سکول سرتھل غا طالب علم نے بنایو تھو جس گو موضوع ریسورس منیجمنٹ تھو یاہ کامیابی کشتواڑ غا طلبہ غی محنت ذہانت تے سائنسی سوچ نانہہ ظاہر کرے۔

CYBER FRAUD JAMMU

جموں کشمیر غے نادر سائبر فراڈ گا بدھتا معاملان گے پیش نظر ایس ایس پی جموں جوگیندر سنگھ نے عوام نانہہ ہوشیار رہن غی اپیل کی ہے آج ایک پریس کانفرنس غے دوران بولتا مانہہ ایس ایس پی موصوف نے سائبر فراڈ غا کئی معاملات ور روشنی پائی تے عوام مانہہ بیداری پیدا کی موصوف نے شہریاں تیں اپیل کی کہ وے سائبر خطران بارے تعلیم حاصل کریں تے

ڈیجیٹل مواصلات غو استعمال کرتے ویلے ضروری احتیاط برتن تاکہ سائبر جرائم غا جال تیں بچیو جاسکے اس موقعہ ور بولتا وان ایس ایس پی جموں جوگیندر سنگھ نے اس طرح کہیو۔

TEMP DROP

جموں کشمیر مانہہ گزشتہ روز بالائی علاقان مانہہ موسم غی پہلی برف باری ہوئی جد کہ میدانی علاقان مانہہ تیز بارش دیکھی گئی موسم مانہہ اچانک تبدیلی غے باعث درجہ حرارت مانہہ نمایا کمی آئی تے سردیاں غی شروعات ہو گئی آکاشوا نی جموں گا نمائندہ غے مطابق پورا مرکزی زیر انتظام علاقہ مانہہ زیادہ تیں زیادہ درجہ حرارت معمول تیں کہٹ ریکارڈ کی گئی سرینگر مانہہ تہاڑی گو درجہ حرارت اوسط تیں 12.5 ڈگری سیلسیٹ کہٹ رہیو جموں صوبہ مانہہ بانہال غو 11.2 ڈگری سیلسٹ، جموں گو 21.3 ڈگری سیلسٹ، بدرواہ غو 10 ڈگری سیلسٹ، بٹوت غو 12.6 ڈگری سیلسٹ تے کٹڑہ غو 18 ڈگری سیلسٹ ریکارڈ کیو گیو جیپرو معامل تیں کہٹ رہیو تازہ برف باری پیر غی گلی، رازدان ٹاپ، سادھنا پاس، سنتھن ٹاپ، ڈاکسم، گلمرگ تے منی مرگ جیسا علاقان مانہہ دیکھی گئی۔

HIGHWAY CLOSED

جموں سرینگر قومی شاہراہ خراب موسم تے بہاری بارشاں گے چلتیں اج بند رکھی گئی شاہراہ ور ادھمپور رام بن تے بانہال غا کئی مقامات ور پتھر تے پسی آجان نال شاہراہ بند ہو گئی اسے طرح راجوری پونچھ علاقہ نانہہ وادی کشمیر نال جوڑن آلی تاریخی مغل سڑک تازہ برف باری تے بارشاں نال بند ہو گئی ہے اس دوران سرحدی سڑک تنظیم سڑک ور آمدرفت بحال کرن واسطے بڑا پیمانہ ور اقدام کر رہی ہے موسم غی خراب صورتحال غے باوجود بی آر او غی ٹیم سڑک ورں برف ہٹا رہی ہے متعلقہ اتھارٹی نے ہدایت جاری کی ہے کہ سڑک غا آمدرفت قابل بنن توڑی سڑک ور سفر نہ کیو جے تے محکمہ غی طرفوں جاری ہدایتاں ور عمل کیو جے۔
